



Шооно эл, порылык да гим верг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Шуматкече еда вучымо ЙОЛТАШ



Авторын фотожо.

Йолташ
лияш нимо йӧсыжат уке:
2020 ийын икымше пелийжылан
газетлан подпискым ышташ да
шуматкече еда толмыжым
вучаш.

– Йоча-влак, кӧм але мом йолташлан шотледа? – Медведево район Пекшиксоло школышто тунемше ўдыр-рвезе-влак (**снимкыште**) дене вашлиймеке йодым. Вашмут тўрлӧ лие. Уэш маньым: – Газет йолташ лийын кертеш мо?

Йоча-влак икте-весе ўмбаке ончалыч, а Карина Тихонова чолган пелештыш:

– Керт-е-еш! Мый книгам йолташемлан шотлем. Шуко жапым туддене эртарем. Книгам лудмаш тазалыклан пайдам конда, уш-акылым пойдара. Газетымат ты радамышке пурташ лиеш.

Мый ешарем: «Газет гоч тўрлӧ уверым пален налат, сылнын возаш тунемат, икте-весе дене палыме лият, кидпашам ышташ тунемат да шуко-шуко молат. Тыгай газетлан «Ямде лий» шотлалтеш. Чу, тудым эше пӧлек шотеш кучыкташ лиеш». Кажныжлан марла йоча газетым пӧлеклышым. Йоча-влак газетым шергалыч да «Ончыкыжым «Ямде лий» мемнан йолташна лиеш», – манын ўшандарышт.

Л.ГРИГОРЬЕВА.

«Ямде лий» газетлан возалташ вашкыза!

Ак – 337 тенгеат 44 ыр.

Квитанцийым редакцийышке колтыза, лотерей модышышко ушныза.

ЛОТЕРЕЙ


Кодшо лотерейын условийже шукталтде кодын – 300 квитанций толын огыл. Сандене 2020 ийын 1-ше пелийжылан подписчик-влак коклаште уэш лотерей модышым увертарена. Тўн приз – **ВЕЛОСИПЕД**. Палыза: 300 квитанцийым налмек веле, велосипедын **о з а ж ы м** палемдена.



Сенгымаш!

Уста туныктышо

Шочмо, тыгак руш йылмым туныктышо-влакын XIII Всероссийский мастер-классышт Москваште 12-15 ноябрьште эртаралтын. Российын 39 регионжо гыч 140 туныктышо паша опытшо, мастарлыкше дене палдарен. Нунын коклаште «Уста марий туныктышо» республикысе конкурсышто сенгыше, Волжский район Карай школышто тўналгыш класслам туныктышо В.В.Емельянова лийын. Валентина Валериановна «Учитель-новатор» тангасыште сенгышыш лектын, «Эн сай туныктышо» кубок дене палемдалтын.



«Шўдыр шагат»

Марий йылме дене туныктышо Э.Л.Смоленцева школышто «Шўдыр шагатым» эртарен. Тангасымашке 5-7-ше класслаште тунемше-влак ушненна. Эльвира Леонидовна марий кундемлан пўлеклалтше онай йодыш-влакым пуэден. Чылаже вич тур лийын. Ме икымше верым сенген налынна.

Аня РОМАНОВА.

Марий Турек, Сысоево.



Авторын фотожо-влак.

Школышто – весела пайрем

Пўтъял школышто 9-ше классыште тунемше-влак (**снимкыште**) класс вуйлатышышт, марий йылмым да литературым туныктышо Н.И.Васильеван полшымыж дене Марий Эл Республикын шочмо кечыжлан пўлеклалтше пайремым ямдыленит. Ксения Корнилова ден Ева Александрова марий мурым йонгалтаренит. Сергей Савинов (**снимкыште**) гармонь дене шоктен. Эвелина Макарова почеламутым сылнын лудын. Ёдыр-влак марий сем почеш чаткан тавалтенит. Чылажат кумылым нўлтен, марий улмына дене кугешнаш кумылан ден.

Л.КОШАЕВА.

Волжский район.



Пайремым уна сўрастара. Калыкмут.

Эн шуко медаль

Ўстембал теннис дене районысо модмаш Нуж-Ключ школышто лийын. Коркатово, Эгерсола, Октябрьский, Нуж-Ключ школла да



Татарстан Республик гыч 59 тунемше тангасен. Мемнан школын тунемшыже-влак эн шуко медальым сенген налынит.


Анастасия Николаева 1-ше верыш лектын, Савелий Фёдоров 2-шо вер дене палемдалтын, Дарина Муртазина ден Кирилл Николаев кумшо лийынит. Тыгай сенгымашыш шумаште туныктышо С.А.Александровын надырже кугу.

Илья НИКОЛАЕВ.

Морко, Эгерсола.

Историйым шергалына

Руш-япон сар годым Порт-Артур ор верч кредалмаш ик эн вианлан шотлалтеш. Лу тылзе орым кучышо руш гарнизон 1904 ий 26 ноябрьште нылымше штурмым сенен, япон армийым кырен шалатен.



Тиште кечылан пўлеклалтше Марий тўвыра форум 10 декабрьште Марий Эл Республикысе мер-политик рўдерыште 10 шагатлан тўналеш. Программыште: «Марла чын возена» диктант, мастер-класс, ончер, сылнымут уна-гудо, усталык лабораторий, йыргешке ўстел, «Мунло» уш-акыл марафон да молат.



Марий Элыште наркотик ваштареш профилактике сынан «Бей в набат!» республикысе акций 3 декабрь марте шуйна. Тудо самырык-влак коклаште таза илыш-йўлам чапландарымашке виктаралтын. Тыгодым усталык конкурс, фестиваль, урок-влак лийыт.



Таче да эрла Национальный президент школ-интернатыште «Радуга юных дарований – Звените, гусли, над Кокшагой» тўнямбал фестиваль-конкурс эртаралтеш. Солист, усталык коллектив, тунемше, студент, туныктышо, профессионал композитор-влак мастарлыкыштым тергат.



– Мый Йошкар-Олаште шочын-кушкынам. Ачам Юрий Валерьевич – М.Шкетан лүмеш драме театрын актёржо, авам Раиса Михайловна тыштак режиссёрын полшыкалышыжлан пашам ыштен. Сандене мый театрыште иленам да кушкынам манын ойлен кертам. Кенез канышем Морко районысо Кугу Шоръялыште (Роман Юрьевичын ачаж ден аваже ты ял гыч улыт – Л.Г.) эртаренам. Кокам дене пырля фермыш миенат, концертым ончыктенам, «Ачийжат-авийжат» спектакль гыч рольым модынам. Молан лач тиде спектакль? Ачам тушто Мачукым модын, тудын верч пеш коляненам, сандене ты спектакль сайын паленам. Ялыште марла мутланаш тунемынам, а рүдолаште рушла мутланенам. Коклан ачам-авам дене пырля гастрольыш коштынам. Артист-влакын автобусым шүкен-шүкен, пижын-пижын

М.Шкетан лүмеш Марий национальный драме театр – тиде калыкын шум-чон каныме верже. Кажне артист чинче падыраш дене иктак. Кажныже шке семынже мастер, уста. Театрын тунг режиссёржо, Марий Эл Республикын сулло да калык артистше Роман Юрьевич АЛЕКСЕЕВ дене лишкырак палыме лийына.

Театр – шочмо суртшо

кудалыштышт, пычкемыш йудым лум-йур вошт йолын ошкеден, олашке портылаш тыршымышт – шинча ончылнем. Тунам мый артист-влакым пеш чаманенам да ачамлан тыге ойленам: «Кушкын шуамат, мый автобус дене кудалышташ туналам, тунам тендам күлеш верыш эре намиен шуктем». Мыланем тунамак театр шочмо суртем гай лийын.

Шинчымашым 20-шо номеран школышто налынам. Туштак музыкальный школыш коштынам, баян дене шокташ тунемынам да хорышто муренам. Йоча годым налме ты шинчымаш илышыштем эх могай чот күлеш лийын.

– *Туге чучеш, пуйто Те узинек артист лияш ямдылалт кушкында.*

– Выпускной классыште артист лиям манын шоненат омыл. Сценыште моткоч уста, ойырен налме ен-влак гына модын кертыт, театр – тиде шкешотан туня, шоненам. Мыйым авам ты корным ойыраш кумылан ден. Тудлан ўмырем мучко таум ыштем.



1994 ийыште Щепкин лүмеш высший театр училищыш Марий Эл гыч группым погеныт. Тергыме экзаменым эртенам, тыге студент лийынам.

– *Икымше рольда шарныпалыме коден?*

– Ж.Б.Мольерын «Тартюф» пьесыж почеш диплом спектакльым шынденна. Тушто Тартюфын рольжым модынам. М.Шкетан лүмеш драмтеатрыште пашам ышташ тунгалмеке, мыланем тунг шотышто военныйым, милиционерым модаш ўшаненыт: ала күкшө капан улмемлан, ала эше вес амаллан көра... Икымше родем «Ачийжат-авийжат» спектаклыште лийын: урядникым модынам. Икымше тунг роль, Аксар, – «Аксар ден Юлавий» спектаклыште. Вара Эчук («Салика»), Сакар («Эренер») да шуко молат. Тачысе кече марте 20 наре рольым кельштаренам. А.Вампиловын «Утиная охота» пьесыж почеш шындыме спектаклыште Зиловын рольжым модмо деч вара режиссёрын пашаже нерген шонкалаш тунгалынам. 2004 ийыште Б.Щукин лүмеш театр институтын режиссёрский отделенийшыкже тунемаш пуренам.

Л.ГРИГОРЬЕВА.

М.Шкетан лүмеш Марий национальный драмтеатрын историйже

1919 ий 29 ноябрь – Марий театрын шочмо кечыже. Тыныш Осыпын «Закон шумлык» пьесыже почеш спектакльым шынденыт.

1926 ийыште архитектор Г.Я.Гвоздецкийын проектше почеш кызытсе Марий самырык театр олмышто театрым чоненыт.

Икымше профессионал марий актёр-влак: А.Страусова, Г.Пушкин, А.Филиппов, В.Яковлев, П.Смирнова, П.Тойдемар, А.Маюк-Егоров.

1948 ийыште театрлан М.Шкетанын лүмжым пуэныт.


1930 ийыште Марий театр СССР калык-влакын театрышт да сымыктышышт I всесоюзный олимпиадыште С.Чавайнын «Мүкш отар» да «Илыше вуд» пьесылаж почеш спектакль-влакым ончыктен.

1954 ийыште Ленинградлысе А.Н.Островский лүмеш театр институтым тунем пытарыше самырык артист-влак: И.Матвеев, С.Кириллова, Р.Руссина, К.Коршунов, В.Зернов, Д.Отмахов да молат – толыныт.



Историк але футболист? Уке, артист!

Кужэнер район Конганур кундемысе калык М.Шкетан лүмеш Марий национальный драме театрын артистше, землякышт Владислав Виногоров (**снимкыште**) дене кугешна. Конганур школышто Владиславым историй дене С.А.Морозов тунуктен. Севериан Александрович тунемшыж нерген тыге оила: «Владислав эн йоратыме тунемшем лийын. Тудо кугу историк гай чучын, шуко книгаг лудын, чыла пален налаш тыршен, кажне урокнан ямдылалт толын. Историй да обществознаний предметла дене экзаменым чаплын кучен. Школым тунем пытарымеке, мыйын корнем тошка але профессиональный футболист лиеш маным шоненам. Школын



футбол командыжын капитанже лийын, колхозын командыже верч модын. Но Владислав йөршеш вес професийым ойырен».
Г.С.ТОБЕКОВА.

Икымше мелна – «Югорно»

Театрыште изи артист-влакат мастарын модыт. Теве «Югорно» спектаклыште Национальный президент школ-интернат-тын театрално-музыкальный классыштыже тунемше-влаклан рольым пуэзыт.

Настя ЯКИМОВА:

– Кугу сценыште лүмлө артист-влак дене пырля икымше гана модынам. Мый нимогай лүдмашым шижын омыл, вет изинек кулис шенгелне кушынам, репетицийыш коштынам. Авам – Марий самырык театрын артисткыже Ольга Федотова. Икымше гана театрыште ик ияшак лийынам. Мыят ончыкылык артист улам, авам – мыланем пример, кугу энертыш. Ачам Республикысе курчак театрыште сцене машинистлан тырша.

Елена СЕМЁНОВА:

– Ик кечын мемнам уло классге театрыш үжыныт. «Югорно» спектаклым калык ончыко лукташ ямдылалтыт улмаш. Модаш йоча-влак кўлыныт. Спектаклыште авамын рольжым Екатерина Малинина модын. Эн ончыч лүдмаш лийын, но сценыште модаш моткоч келшен. Артист лияш сай: калык ончылно модат, тыйын нерген газетшыште возат, ен-влак тыйым палаш тўналыт. Эн тўнжө – калыклан весела кумылым пўлеклаш. Авам книгагудышто пашам ышта, шукерте огыл «Югорно» книгаг конден. Эпосым лудаш тўналынам.

Х.АЛЕКСАНДРОВА мутланен.

Саламлена!

Радиоцехым
вуйлатыше Эдуард
Теннадьевич Коцевлан
Марий Эл Республикысе
тўвыран сулло
пашаенже лўмым
пуэзыт.



Мо тугай театр?

Мыланем театр – сымыктышын ик ужашыже. Кажне енлан артист лияш пўралтын огыл. Сценыш лекмеке, чыла ыштен моштыман: мурыман, куштыман, моторын коштман, чаткан ойлыман... Так шоget гынат, модшаш улат. Мыйын шонымаште, театрыште киносо деч нелырак. Кином войзымо годым ик эпизодым уэш-пачаш модаш лиеш, а театрыште тыге ышташ ок лий. Театрыште модшо артист ончышо еным иканаште ўшандарен кертшаш.

Яна ДМИТРИЕВА.

Морко, Коркатово.

Театр тендан деке вашка! (Плошкырт киндемшыке да Татарстан Республикышке)

3 декабрьште
Нефтекамскыште
«Салика», 4-6
декабрьште
Уфаште
«Салика», «Кот Шараф
и кошка Копошка»,
«Орўен мелна»,
«Нўнчык патыр»,
«Илена-йўлена»
спектакль-влакым
ончыкытат.

«Нўнчык патыр», «Илена-йўлена»	«Уло яллан ик Йогор»
7 декабрь Маядык	5 декабрь Йывачўял
8 декабрь Мишкан	6 декабрь Шаран
9 декабрь Калтаса	7 декабрь Ардаш
10 декабрь Элнет	8 декабрь Тумна
11 декабрь Уял	9 декабрь Улисъял

15 ноябрьыште
Республикысе йоча да
самырык-влаклан

Чыла усталык – калыклан

В.Х.Колумб лӱмеш книгагудышто
Российын сулло, Марий Эл
Республикын калык артистше,
Й.Кырла лӱмеш театр премийын
лауреатше М.Е.МЕДИКОВА дене ваш-
лиймаш эртаралте. Маргарита
Егоровна М.Шкетан лӱмеш Марий
национальный драме театрыште
1985 ий гыч тырша.

Москвасе А.В.Луначарский лӱмеш
кугыжаныш институтышто тунемме
жапыште кумдан палыме шуко
артист, режиссёр дене вашлийын.
Нунын коклаште –
актёр-влак
А.Джигарханян,
Т.Доронина,
Н.Гундарева,
РСФСР-ын калык
артистше, режиссёр
П.О.Хомский да
моло.

– Артист көргө чонжо
дене поян лийшаш, рольыш пурен, геройын
илышыжым илышаш. Ик образ гыч весыш кус-
нен модын моштышаш. Таче вуверкувам модат,
эрла – йӱратыше авам. 22 ияшем годым Логин

М.Е.Медикован
тунемшыже Аркадий Сергеев
– Российысе театр да кино
актёр. Тудо «Тайны госпожи
Кирсановой» сериалыште
Ипполит Хвостовын
рольжым модеш.



Авторын фотожо.



кувам (Л.Яндаков «Тулык вате») модаш лога-
лын. Тунам самырык ўдырлан шонгыенгын
рольжым пуэныт манын, шинчавўдым йокта-
ренам. Туге гынат, шкемым сенген, сценыш
лектынам, тўрысынек образыш пуренам.
Таче умылем, тиде артистлан моткоч кўле-
шан улмаш, – ойла Маргарита Егоровна.

М.Е.Медикован модмо рольжо-влак:
Лиза (К.Коршунов «Пўрыдымӱ пўрымаш»),
Марина (1988 ий), Эчан вате (С.Николаев
«Салика»), Лаика (М.Рыбаков «Тўрлемўдыр»)
да моло.

Е.ИВАНОВА.

Пайремет дене!

М.Шкетан лӱмеш театр эн мотор да ойырте-
малтше. Театр – тиде артист, артист – тиде
театр. Артист-влак рольыштым чонышт гоч
колтышаш улыт. Шкетан театрыште про-
фессионал артист моткоч шуко уло:

М.Медикова, И.Смирнов,
О.Кузьминых, В.Домрачев,
С.Строганова да молат.

Кажныже мастер! Мый тиде
театрыште шуко гана ли-
йынам. Мӱнгӱ шулды-
ранше пӱртылынам.

Марий театрым 100 ияш
лўмгечыж дене саламлем!

Катя РЫБАКОВА.

Шернур посёлко.



**Кристина
ВЕТКИНА,**

Йошкар-Ола:

– Злата ўдырем да
Артём эргым дене
«Нӱнчык патыр» спек-
таклым ончаш миенна.
Икшывем-влаклан мотор
декораций келшен. А мый
самырык актёр-влакын мод-
мыштым куанен онченам.
Финалже моткоч онай
лийын, эсогыл йоча-влак
артист-влак дене пырля куш-
таш лектыныт. Спектаклым
чылалан ончаш темлена.

Конкурс-влак

«Ямде лий» газет редак-
ций ден М.Шкетан лӱмеш
Марий национальный драме театр
У ийлан пӱлек-лалтше кидпаша
конкурсым увертарат. Кеч-мо
гыч ямдылыме паша-влакым 15
декабрь марте «Ямде лий» газет
редакцийыш кондыман.
Сенгышылан – пӱлек.

Йоча, ача-ава, туныктышо-
влак, «Театр. Спектакль. Актёр.»
темылан шонкалымаш сочиненийым,
эссем, шымлымышым возен колтыза.
М.Шкетан лӱмеш Марий националь-
ный драме театрыште ончерым
келыштарена.

**«Ямде лий» газетлан подпискым ыште
да М.Шкетан лӱмеш Марий националь-
ный драме театрыш яра пура!
Лекше йодышым редакцийыш
йынгыртен рашемде.**



Кино гыч театрыш

М.Шкетан лүмеш Марий национальный драме театрын тўн художникше, Марий Эл Республикын сулло сүретчыже Сергей Иванович ТАНЫГИН: «Профессий почеш мый киносүретче-постановщик улам. Кодшо курымын 90-ше ийлаштыже илыш вашталмылан көра курсовой пашам марий спектакль дене кылденам. Марий самырык театрыште М.Рыбаковын «Эрге» пьесыж почеш шындыме спектакльлан эскизым ыште-нам. 1996 ийыште Василий Пектеев мыйым М.Шкетан лүмеш Марий театрышке ўжын. Тыште мый усталык шўлыш дене авалтынам, онгай еҥ-влак дене палыме лийынам. Театр мыйым шкеж деке савырен, илышемем вашталтен. Тушто шкемым сүретче семын муынам. Тўрлө конкурсышто эн сай художник-постановщик семын кум гана ойыртемалтынам. Тений эше ик кугу сенгымаш куандарыш: «Золотая маска» всероссийский театр конкурсышто «Лучшая работа художника» таҥасыште «Йўд орол» спектакль дене сенгышыш лектынам. Ты спектакльым Республикысе курчак театрыште шындыме».

Ф.ЛЕБЕДЕВА мутланен.



Кугешнем

М.Шкетан лүмеш театрыште тыршыше артист-влак кокла гыч эн чот сайын Светлана Александровам палем. Тудо Советский районсо ўшнўр школышто тунемын. Тунамак моткоч талантан лийын. Светланан йонгалтарыме почеламутшо кажнын чонышкыжо логалын, очыни. Кызыт тудо театрын ик эн виян артисткыже. С.Александровалан шукуж годым тўн роль-влакым ўшанат.

Миша РЯБЧИКОВ.
Советский, ўшнўр.



Артистке дене пырля

М.Шкетан лүмеш театр ик эн кугу. Тушто У ий пайрем годым лийынам. Театрыште талантан шуко артист пашам ышта. Мый нуным спектакльыштат, тыглаят ужнынам. Мутлан, Светлана Филиппова дене пырля «МЭТР» телеканалыште 9 май пайрем вашеш сар нерген почеламутым лудынна (снимкыште). Мый артист-влак дене кугешнем. Нуно илышым чын умылаш туныктат.



Ваня ГОРОХОВ.
Советский,
Кельмаксола.

Шкетанын кресўдыржў

Марий АССР-ын сулло да калык артисткыже Прасковья Алексеевна Смирнова 1909 ий 17 октябрыште Кужэнгер район Конганур ялыште кресаньык ешеш шочын. Самырык ўдыр изинек мураш, кушташ йўратен, драмкружокыш коштын. Краснококшайскысе педтехникумышто тунеммыж годым «Ачийжат-авийжат» спектакльым ончыктеныт (1928 ий). Прасковья Маюкын рольжым модын. Спектакльым ончаш Яков Павлович Майоров-Шкетан толын улмаш. Тудлан Паня Смирнован модмыжо келшен да Музыка да драме искусствын марий студийышкыже тунемаш пураш темлен. Тидлан көра варажым Паням «Шкетанын кресўдыржў» манын ойленит.

Кристина БЫКОВА, 11-ше класс.
Кужэнгер, Конганур.

М.Шкетан лүмеш Марий национальный драмтеатрын историйже

1960 ийыште кызытсе театрын зданийжым чонен пытареныт.

1965 ийыште театрын ешышкыже А.В.Луначарский лүмеш ГИТИС-ым тунем пытарыше-влак: Г.Иванова, Г.Копцев, Ю.Рязанцев, В.Горохов, А.Андрианов, В.Саввина, А.Орлов да молат – ушненыт.

1974 ден 1985 ийлаште Марий театрын труппыжо у артист-влак дене пойдаралтын:
Ю.Алексеев, Н.Османова,
М.Медикова, З.Долгова,
И.Смирнов,
О.Кузьминых,
А.Романова, В.Домрачев да молат.

1992 ийыште М.Шкетан лүмеш Марий национальный театр лүмым пуэныт.

2002 ий гыч М.Шкетан лүмеш Марий национальный драме театр маналтеш.






Авай, тиде сүрет тыланет! Таза, пиалан, кужу ўмыран лий! Мый тыйым Аван кечыж дене шокшын саламлем!

Костя ШЕХУРДИН.
Шернур,
Кукнур-Купсола.

Кумылжым кузе нёлташ?

Таче эрденак авиемын кумылжо волен: огешат шыргыжал, школыш ужатымыш годым ондал, шупшал ыш колто. Шонаш тўналбым: авиемын кумылжым кузе нёлташ? Йоным муым: школышто «5»-ан отмыкым шуқырак налаш, урок деч вара пашашкыже миен, шуко поро шомакым ойлаш, вара ондалаш, шупшалаш да пайрем дене саламлаш! Тыгак ыштышым. Ончыкыжым авиемын кумылжо нигунам ыже воло манын, уло вием пышташ тўналам.

Настя ГРЕБНЕВА.
У Торъял,
Токтарсола.



Авамлан


Мый авам пеш йоратем,
Пашамат ышташ полшем.
Тудо мыйын эн мотор,
Поро, ныжылге, шыма.
Авам эрдене кынелеш,
Пашам ышташ тўналеш.
Мый пөлекым ямдылем –
Аваем куандарем.

Кристина МАЛИНИНА.
Параньга школ.



Раина ГРИГОРЬЕВАН
сүретше.

Волжский, Пөтъял.



24 ноябрь
Аван
кечыже.

Поро айдеме

Авай, ныжыл авай –
Йоратыме, поро айдеме.
Таумутым тудлан каласаш
Мые таче моткочак вашкем.
Шыргыжал шымата, ондалеш,
А коклан тунуктен вурсалеш.
Садак тудым моткоч йоратем,
Кажне кечын пеленже пызем.

Мария АЛЕКСАНДРОВА.
Национальный президент
школ-интернат.

Авам арулыкым йората. «Арулыкышто – тазалык», – ойла тудо. Школышто тунеммыж годым, тунуктышо тудым арулыкым эскерышылан шогалтен. Авам тунамак кажне йоча деч пентгыдын йодын моштен. Кызыт мыйым тунукта.

Юлиана ДЯДИЧКИНА.

Морко,
Коркатово.

Эн сылне мут

Кылме тылзын пытаргыш рушарнянже Аван кечыже пайремалтеш. Кажне йоча шке аважлан могай-гынат пөлекым кучыкта. Мыят авамым чот йоратем. Тудым нигө вашталтен огеш керт. Кажне ньогалан аван поро кумылжо мамык гай.

Шинчаже – канде кава, а чурийже пеледыш дене иктак. Шөртньо кидше чыла ыштен мошта. Тора кундемшык кает гынат, шўмышто ава эре пырля лиеш.

Аралыза, аклыза авадам!

Марина ИВАНОВА.

* * *

Ава – тўняште ик эн сылне мут. Тудо шочшыжлан уло тўням алмаштен кертеш. Ава шке икшывыжым уло чонжо дене йората, чыла осал деч арала. Мыйынат авам тыгаяк. Кажне эрдене тамле кочкыш дене сийла, школыш ужата. Аваем, пайрем дене саламлем!

Морко, Шўргыял.

Данил ВАСИЛЬЕВ.



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.pf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысyo управленийыштыже регистрироватлыме.

Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийн шонмашышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийн да издателыне адресше:
424006, Йошкар-Ола, СССР Вооруженный Вийын 70-ше идалыкше урем, 20-шо пöрт.
Тел. 8(8362) 45-22-82(факс)

Лёд и пламень

да У ий

Сүрет конкурс


1-ше вер – 1000 тенге.
2-3-шо вер – шерга кан пөлек.
1 декабрь марте редакцияыш колтыман.

Рекламе.

0+



Конкурс



Игорь МИХЕЕВ.
Звенигово ола.

Памятник воктене




Никита ден Сережа ДЕМИНЬИТ.

Шернур, Кукнур.

Мамык тōшакешем чинчым пїш-кедем.

Шке ок курж, весылан шогаш ок шїдō.

Покшелысе кубик могай схеме гыч «шочын»?



Тушто

Шоналтена мо?

Автомашина шагатыште 64 менгым эртен, а реактивный самолёт 15 гана шукрырак. Реактивный самолёт шагатыште мыняр менгым чонештен?

Райрүдышкō кондымо циркым ончаш посёлко гыч 30 йоча да 270 кугыен, ялла гыч эше 230 ен пуреныт. Циркым ончаш мыняр билетым ужалыме?





Мичулан полшыза: кудо оралтым нине фигурла гыч ыштыме. Чиялте.

Кыргори кугыза шїдō тумышан упшым упшалын.

Йодыш олмеш могай числам шындыман?



Интернетысе сүрет-влакым кучылтмо.



ХАМЕЛЕОН кап тўшым вашталтен кертеш. Саре хамелеон кушто?

Йошкар тўсаным кычал.

Ужар тўсаным му.